

弘仁格式に出す膏藥をとうやくと唱ふ天子三日には御額へ點せらる此屠蘇散を絳之袋に入て五色之糸にて口を括り長柄の銚子に渡す○下略

〔本朝醫考中〕養安院

正琳字玉翁山城州人也自幼學醫術師事一溪道三一溪以其器不凡授曲直瀨氏且養玄朔之嫡女爲己子以妻之而傳醫術之樞要天正十三年見於豐臣秀吉公仕秀次公又曾謁家康公及秀忠公文祿元年正親町院弗豫獻藥復本因叙法印同四年中納言宇喜多秀家卿之內室并豐臣秀吉公之女患怪疾諸醫治之不驗正琳獻藥而立痊秀吉公悅之賜綿衣并金銀且秀家卿自朝鮮携來之書籍悉畀之慶長五年後陽成院弗豫獻藥有效驗叡感之餘賜養安院之稱號同十年依家康公之命赴江戶蒙眷顧同十三年與道三驢巷施藥院輪直于江城而仕秀忠公然有耿閑之癖遂讓俸於嫡子正圓以退居別莊同十六年四十七歲而沒

〔本朝醫考中〕玄朔

玄朔字道三稱東井又號延壽院城州之產而一溪之姪孫也幼失父母故一溪養而爲己子及長而精醫術天正十年春三月正親町院弗豫玄朔治之有效因被叙法眼同十四年十二月轉法印同十六年豐臣秀吉公賜五百石采地於城州慶長三年九月後陽成院弗豫諸醫措手玄朔獻藥而立愈叡感殊深依賜黃金之花瓶寬永五年十二月奉秀忠公之嚴命著素絹寬永八年十二月十日於武州江戶卒年八十三歲葬淺草祥雲寺曾所選之方書數部今行于世者若干本邦近世之大醫家多出自于此門啓迪院法印玄治壽昌院法印玄琢等之類皆是也

〔皇國名醫傳後編上〕曲瀨翠竹院○中略

正紹初稱玄朔天正初奉勅受父稱道三號東井本姓某正慶甥也○中略正紹亦喜教導生徒出其門者名皆用玄字末流別支終遍海內至今醫名稱玄猶浮圖曰釋亦可以驗其盛也